



大清文宗協天翊運執中垂謨懋德振武聖孝淵恭端仁寬敏  
顯皇帝實錄卷之三十六

咸豐元年辛亥六月辛未諭內閣戶部奏遵撥銀兩解赴湖  
北一摺現在湖北辦理過境兵差需用較繁所有部撥江海  
關稅及江西河南山東監銀共十五萬兩著各該省迅即按  
數委員解赴湖北以資支放至兩淮欠解湖北省己酉庚戌  
兩綱匣費銀兩著兩江總督速飭運司按照奏定新章先行  
提解並將節年未解匣費銀兩分別籌解毋再延宕○又諭  
慶祺朱嶠奏南糧幫船脫空日久請旨飭催一摺本年糧艘  
渡黃較早而頭進各幫人直隸境過天津關均有脫空其後

各幫尚無行抵何處消息似此節節耽延沿途各地方官所  
司何事著直隸總督山東巡撫迅派勤幹大員督同各州縣  
通籌合辦不分畛域凡河道淤淺處所趕緊設法挑濬並添  
設剝船以利轉運務期跟蹤飛輓毋使一幫脫空如地方員  
弁有催趲不力互相推諉者即著指明嚴叅以肅漕政○戶  
部議准陝甘總督琦善奏報烏魯木齊所屬蘆草溝等處撥  
給新增子弟地畝扣限期滿照例升科從之○以鑲白旗滿  
洲都統桂良暫署吏部尚書○豁免直隸通州等處五十三  
州縣民欠旗租及應徵銀穀○豁免浙江仁和等處五十一  
州縣衛所帶徵銀米○壬申

上詣

壽康宮問

皇貴太妃安○諭內閣載銓等奏請變通旗營官員處分條例  
一摺據稱步軍統領衙門所屬旗營官員前曾增擬公事錯  
誤處分專條九款於通行則例顯有窒礙又旗營竊案每年  
按季奏請議處議敘章程賞罰未能平允無裨實效所有前  
擬專條九款並竊案章程著照所請均毋庸議旗營各員以  
緝捕為要務惟在認真督察懲勸公明嗣後著仍遵守舊章  
於各員公事勤惰隨時酌量賞罰分別辦理俾疲玩積習日  
就湔除正不在多設科條轉滋避就也○又諭禮部議覆護

寶錄卷三十六  
理浙江巡撫汪本銓題請勅賜祠額一摺。宋臣岳飛精忠大節炳耀古今。其杭州湯陰武昌等處均有祠額表揚。惟嘉興金陀坊祠宇尚無題額。著內閣擬呈祠額字樣候朕親定頒賜。以示褒崇而光祀典。尋奏上賜額曰顯忠。○江西巡撫陸應穀奏報行軍利器槍礮為先。舊存擡槍一百二十桿。槍身較短不能及遠。擬再行增製八十桿。並舊存一律修治。以期有備無患。得旨。致遠命中不計槍身之短長輕重也。務須專委妥員庶期兵得實用費不虛糜。京口副都統琦忠奏報回任日期得旨。回任奏報何得率用漢字摺太不曉事。著傳旨申飭亦不准再行請議。○癸酉諭內閣前據御史張煒奏

直隸已革巡檢羅世瑤呈控徵稅弊混案延不結。恐有挾制迴護等語。當降旨交訥爾經額明白回奏。茲據該督覆奏。羅世瑤所控徵稅弊混各員。並誣告等情。現已審明定擬。其稟訐省城官員於國服百日内出入俱用紅繖及銜節筵宴觀劇。並令民間懸燈結綵各款。經該督親提詰訊。該革員或自認誤稟。或稱係傳聞。查無實據。著毋庸議。惟該革員於上年四月向保定府知府吉珩列款稟訐。該府並不照例通稟。又刊刻諭旨謄黃內。為字甚多。查係臬司恆福署理藩司任內之事。均屬咎無可辭。吉珩恆福著交部分別議處。該督訥爾經額未能先事覺察。著一併交部議處。○又諭常大澂奏遵

議保甲章程。開單呈覽一摺。浙江山海交錯。舟居陸處。遷徙靡常。編查保甲。誠為要務。據奏現從省城分段。守望已臻嚴密。村落因地制宜。一律互相策應。戶口實填。更換隨時抽查。以及牙行寺觀船戶等處。悉行編列。更為選舉保長。務用端人。禁絕賭倡。勿滋盜藪。各條所議。尚為周妥。惟發令之初。易於見效。若不持以實力。久且視為具文。全在該大吏認真督率。尤須申戒屬員。示以勸懲。並嚴查胥役。毋得藉此擾及閭閻。使民間共知保甲之設。所以衛民樂於從事。則法可久而不廢。自不致陽奉陰違。始勤終怠也。○貸直隸任邱。雄。二縣修理隄橋銀。○甲戌諭內閣。徐廣縉。葉名琛。奏。勦辦廣甯匪

徒。三獲勝仗。生擒賊首一摺。廣西賀縣股匪。竄回東境。由四會至廣甯。高要等縣界。經該督等飭令文武員弁。勦捕。四月二十九日。追至大播墟。候補縣丞劉鎮。潮州府司獄牟考祥。率潮勇攻破賊壘。槍斃多名。該匪分股突出。黃岡協守備鍾慶瑞。會同廣甯縣知縣程兆桂。署督標守備薩國亮。三面合擊。斃賊甚多。賊遂分竄。開建之雲塘。封川之長塘。署督標水師營千總盧威。揚肇慶協把總何振標。江口汛把總李得祿。於五月初九日。由漁滂直擣賊巢。轟斃七十餘賊。鍾慶瑞。薩國亮。劉鎮。牟考祥。分帶兵勇。於十三日進勦。轟斃一百三十六名。生擒二十四名。奪獲銅鐵礮三十二位。及大旗槍矛多

寶錄卷三十六  
件。餘匪潰散。其逆首溫大貨五一名。復經前任肇慶府知府蔡振武懸賞購綫。督同各員弁於十四日。在廣甯之梅子尖拏獲。解省審辦。此時肇慶一帶漸就廓清。夥匪曾亞渴等勢已窮蹙。不難悉數殄滅。著該督等督飭文武盡力搜捕。勿任竄逸。所有出力員弁著查明確實分別保奏。○諭軍機大臣等據徐廣縉等奏。勦辦廣甯匪徒。連獲勝仗。並追勦東省各股零匪。及覆查廣西大股會匪情形。又奏參升任總兵託故遷延各一摺。已分別明降諭旨。將趙如勝以都司降補。交賽尚阿差委。並諭令徐廣縉等督飭文武嚴密堵勦矣。該大臣已抵軍營。所有該處賊股地勢情形。自必全局在胸。妥為布

置。象州大股逆匪固應厚集兵力。合併圍勦。其南甯太平一帶各股零匪。紛如蝟集。勢甚猖獗。亦應多派弁兵。併力掃除。前據鄒鳴鶴奏。請飭藩司勞崇光分駐該處。並咨商該大臣遴委將官會同勦辦。諒已酌量調遣。降補都司趙如勝前在廣東勦捕尚屬得力。現交該大臣差委。著即酌量調撥。或飭赴南甯太平一帶。與高廉接壤扼要處所。隨同勦賊。察其能否感奮。據實具奏。賊首劉八及凌十八兩股。並何名科一股。雖經廣東文武疊次擒勦。而渠魁總未就獲。餘黨仍復分竄。若不急合東西兩省兵力。四面兜捕。滋蔓伊于胡底。著該大臣隨時知照徐廣縉等。嚴飭高廉一帶文武。不分畛域。與廣

寶錄卷三十六

西派出之文武員弁。兩路夾擊。以期及早撲滅。淨絕根株。其賊首温大貨五一名。已據廣東拏獲解省審辦。惟夥匪曾亞温等。黨與尚多。已諭令徐廣縉等。嚴密搜捕。西省文武。亦應一體堵緝。勿令竄逸。是為至要。將此由四百里諭令知之。○又諭據徐廣縉馳奏。勦辦廣甯匪徒。生擒要匪。連獲勝仗。各情。逆匪温大貨五。業經擒獲。其夥匪曾亞温。尚有數百之眾。難保不因首匪就擒。鋌而走險。至劉八。凌十八。及何名科。各股賊匪。雖據疊次追拏。而逆首尚未擒獲。勦辦不容鬆懈。現在周天爵。已飭令來京。賽尚阿等。業已馳抵軍營。事權歸一。該督兼轄兩省。尤當不分畛域。合力兜拏。庶可速圖蕩事。以

副朕望。至所奏蔡振武。拏獲逆匪温大貨五一名。著即查明據實保奏。將此由四百里諭令知之。○四川川北鎮總兵官趙如勝。緣事降調。以督標中軍副將劉長清。為川北鎮總兵官。○予廣東陣亡署千總盧威揚。祭葬世職。○乙亥。上詣

壽康宮。問

皇貴太妃安。○諭內閣。本日據賽尚阿奏。六月初四日。馳抵桂林。巴清德。達洪阿。亦先後馳到。現在相機勦辦。並繪呈廣西全省地圖。單開賊首名數。所陳覈汰兵勇。申明紀律。多購閒諜。解散賊黨。嚴斷接濟。實行團練。使賊無可掠之食。無可竄

寶錄卷三十六  
之路。籌畫均合機宜。該大臣等經朕特簡。畀以重任。到粵之始。即能通籌全局。條理秩然。深慰朕念。著發去黃馬褂二件。大荷包一對。小荷包一對。火鑷一箇。賞給賽尚阿祇領。黃馬褂二件。分賞巴清德。達洪阿祇領。粵西地近瘴鄉。時當炎暑。現值用兵之際。朕念軍士勤勞。馳驅用命。睠懷南服。宵旰難忘。惟望迅埽賊氛。俾吾民咸登衽席。不特該大臣等渥膺懋賞。即文武員弁紳士壯勇。亦得共荷恩施。用酬勞動。朕實有厚望焉。○諭軍機大臣等。據賽尚阿馳奏。到粵籌勦賊匪。布置一切事宜。並提鎮進勦逆匪。三獲勝仗。及遵查李伏。密訪湖南會匪。寬籌軍餉。各摺片。並開列股匪清單。繪呈全省地

圖。披覽均悉。廣西羣盜如毛。自用兵以來。雖屢獲勝仗。時有斬擒。總未大加懲創。該大臣現抵軍營。節制各將。事權歸一。所陳廣西匪股地勢情形。瞭如指掌。據稱先行甄汰怯懦之兵。烏合之勇。而後嚴定賞罰。痛勦力攻。使賊匪無可掠之鹽糧。無可竄之隘路。並堅堵賊巢。解散黨與。實行團練。布置均合機宜。象州大股逆匪。距省不遠。固當嚴防北竄。但既聞有欲竄回東鄉之說。更當嚴飭文武。四面堵截。斷不可再令竄回舊巢。復致滋蔓。此次連獲勝仗。楚兵似尚可用。著該大臣體察情形。其尚堪驅策者。留在軍營。其餘或令回守省城。或撤回湖南防堵。酌量辦理。前任道員林士傳。既經查明貽誤

寶錄卷三十六

屬實。著即革職。與已革職知縣甯域。均著留於軍營差遣。仍查明能否得力。據實具奏。該大臣暫駐省城。控制全局。糧臺諸務。鄒鳴鶴已籌辦周妥。巴清德。達洪阿。烏蘭泰。向榮等。皆能奮勇圖功。堪資分任。應如何分勦合擊。度地相機。以操勝算。想該大臣必能契合朕意。埽蕩賊氛。迅奏膚功也。將此由五百里諭知賽尚阿。並諭令巴清德。達洪阿。烏蘭泰。鄒鳴鶴。向榮知之。○又諭。據賽尚阿馳奏。密訪湖南會匪情形等語。現在廣西賊氛未靖。湖南境地毗連。若會匪潛相勾引。所關非細。著程喬采。即行馳赴湖南。督同文武大員。於要隘處所。加意防堵。仍不動聲色。訪查該省會匪實在情形。妥為防備。

總期弭患未然。斷不可稍涉張皇。致滋事端。至賽尚阿。歷陳湖南吏治之廢弛。民情之浮動。自係確有聞見。該督兼轄兩省。本有應行查辦之責。著即按照所奏各情。亟圖整頓。其應如何察吏安民。激勵化導之處。諒該督必能酌量情形。隨時奏聞辦理也。原片著鈔給閱看。將此由五百里諭令知之。○又諭。賽尚阿奏。請寬籌軍餉。以備撥用一摺。前經特發內帑銀一百萬兩。又經戶部籌撥銀一百萬兩。嗣據江南奏撥鹽庫銀六十萬兩。昨復據廣東奏撥粵海關稅銀二十萬兩。均解赴廣西軍營應用。計已可敷支發。惟糧餉至要。必當寬為儲備。以免臨事周章。著徐廣縉。葉名琛。仍於關稅項下按季

扣存。連前次已經撥解之二十萬兩。統籌備銀一百萬兩。聽候賽尚阿咨撥委解。毋稍延誤。再前有旨。令該督撫等。察看兩粵交界。何處情形最為緊要。如須葉名琛親往駐劄督辦。即一面奏聞。一面啟程可也。將此由五百里諭令知之。○以翰林院編修貢璜。為陝甘鄉試正考官。檢討顏培瑚。為副考官。吏部左侍郎瑞常。為江南鄉試正考官。翰林院侍讀金國均。為副考官。○以攻勦廣西象州會匪獲勝。免總兵官李伏革職處分。仍下部議敘。予陣亡把總熊士貴。祭葬世職。○予廣西陣亡千總龍應春。何龍章。管珪。鍾懷玉。把總丁紹奇。鄧遇春。陳坤祥。朱釗。蔡雲陞。顏先椿。外委蕭鳳臺。余步廷。祭葬。

世職。○丙子。諭內閣。奕山。布彥泰。奏。山水暴發。農田渠道。間被衝淹一摺。伊犁城東有東西大渠一道。灌溉農田。本年四月間。因大雨並積雪消化。山水暴發。致將大渠衝缺。田畝亦有淹浸。業經該將軍等。派員前往查勘撫恤。並將渠道修復。被衝橋梁。亦經派員修整。其被災田畝。仍著於秋後查明。妥為辦理。○諭軍機大臣等。據奕山。布彥泰。奏。查明佐領富珠爾泰。並未向俄囉斯。囑其代尋馬匹。亦無收馬給與回頭之事。其巴桑失馬一案。亦與該國來文數目不符。並將近年收哈薩克馬租等情。詳細陳明。現在俄囉斯遣使已抵伊犁。會議通商。此事最關緊要。該將軍等。給與該夷信彙。甚屬妥協。

仍著遵照節次諭旨。熟籌妥議。總期經久無弊。毋致貽患。將來。至該夷飾辭代尋馬駝情節。既經查明。仍須慎密。勿令該夷心生猜疑。是為至要。將此諭令知之。○丁丑。諭內閣。據理藩院奏。達賴喇嘛。遣巴雅爾堪布到京。可否令候班禪額爾德尼差來之巴雅爾堪布同謁。

慕陵並謁

昌陵行禮之處。請旨一摺。達賴喇嘛等。因

孝和睿皇后

宣宗成皇帝大事。遣使呈獻供品。著准其等候班禪額爾德尼差來之堪布。會同恭謁。

昌陵

慕陵行禮。該來使等齋來供品。屆期仍著原護送來京之同知全佑等。妥為護送。○又諭。潘鐸奏。叅勘報發掘已故大員墳冢情節。含混之知縣一摺。河南新野縣知縣龐家淦。詳報賊匪發掘原任四川提督齊慎墳墓。竊出贓物情形。與事主齊重義呈報不符。已屬含混。且僅獲從犯李小一名。又未能訊出首夥各犯蹤跡。迅速查拏。緝捕實屬廢弛。龐家淦著先行摘去頂帶。勒限三箇月。嚴拏贓賊。務獲究辦。儻限滿無獲。或查有諱飾。輕縱情弊。即行據實嚴叅。○諭軍機大臣等。有人奏。河南捻匪猖獗。請嚴飭籌勒一摺。據稱南陽府屬捻首喬

寶錄卷三十六  
建德匪黨二千餘人。盤踞泌陽縣之角子山。攔路搶劫。擄人勒贖。本年四月間。一日搶掠十數家。殺斃事主七人。南召縣擒首李大。李二。率匪千餘。將山內陳姓搶劫一空。並有姦淫斃命重情。經事主控縣。該縣知縣畏葸不辦。鄰境裕州知州姚慶溥。率領兵壯往捕。該匪膽敢抗拒。施放槍礮。又唐縣擒匪千餘。肆行焚搶。幾至圍城。此外鄧州。桐柏。新野等處。均有匪黨賊巢甚多等語。該撫潘鐸。身膺疆寄。於匪徒肆擾。州縣因循諱飾。何以毫無覺察。該撫前參葉法。誤拏擒首。何以事隔一年之久。始將該管文武分別奏參。而擒首迄未就獲。又未將該匪徒橫肆情形。及現在籌畫事宜。詳細陳明。豈於民

生疾苦。竟置不問耶。著潘鐸明白回奏。南陽毗連湖北。為楚豫門戶。若不設法偵緝。勢必滋蔓難圖。著該撫即飭南陽鎮總兵圖塔布。南汝光道鄭敦謹。督同文武。上緊搜捕。務令悉數弋獲。毋使一名漏網。南陽一府如此。他郡亦恐不免。並著嚴飭各地方官。不分畛域。實力查拏。其畏葸諱飾。如南召縣知縣者。此等劣員。即行查明。從嚴叅辦。儻仍疲玩。致匪徒肆行勾結。釀成事端。朕惟知執法從事。恐潘鐸不能當此重咎也。又另片奏。南陽府屬鄧州掘墓各案。開單呈覽。該撫本日奏到。已故提督齊慎墳冢。被賊發掘一案。即係南陽所屬新野地方。可見單內所稱。並非無據。何以鄧州東鄉十餘里內。

掘墓各案如此之多。並未具奏。豈因案關已故大員。始行奏  
參。其餘各案。僅以咨結了事。抑任令該地方官遷延諱飾。匿  
不詳報。著按照單內所開各案。詳細查明。一併據實具奏。原  
摺片並單。均著鈔給閱看。將此諭令知之。○又諭。寄諭兩江  
總督陸建瀛。湖廣總督程晉采等。有人奏。河南捻匪肆橫。南  
陽府屬為尤甚。匪徒結黨數十人。或數百人不等。賊巢甚多。  
不外內鄉縣浙川廳各山內。及鄧州之林家壩。孟家樓。魏家  
集。溝龍關。李官橋等處。並湖北均州房縣諸山中。及光化縣  
之潦河口。襄陽縣之樊城鎮。皆為逋逃淵藪等語。河南捻匪  
橫行。總由地方文武。不能實力查拏所致。南陽一府如此。他

郡亦必不免。若不及早撲滅。必致滋蔓難圖。所有湖北安徽  
江蘇等省。均與河南毗連。著各該督撫。一體飭屬於交界處  
所。不分畛域。合力堵緝。毋任此拏彼竄。其湖北省均州等處。  
現有賊巢。更當嚴密梭查。認真懲辦。以期殄絕根株。勿貽後  
患。儻辦理不能妥速。或致釀成事端。惟該督撫是問。將此各  
諭令知之。○又諭。據德興等奏。遵議裁撤察漢城駐防蒙古  
兵丁。及蒙古郡王恭木楚克集克默特。懇請暫居永安城外。  
住牧。未便率行議准。一摺。該郡王等。暫居永安城外。業已二  
年有餘。前據薩迎阿奏。擬准再住一二年。由青海大臣察看。  
如生計充裕。即飭令回牧。原係從權辦理。惟是一二年後。儻

該郡王等。生計仍然拮据。未能撤回原牧。又將如何辦理。其駐防兵丁。全數裁撤。則蒙古與漢兵。聲氣不能相通。守望難以相助。儻被野番滋擾。該蒙古益覺進退維谷。亦恐未為盡善。著薩迎阿。會同哈勒吉那。通盤籌畫。將如何防禦野番。安插蒙古之處。再行詳細妥議具奏。勿貽後患。所有德興。會同理藩院議奏原摺。著鈔給閱看。將此諭令知之。○又諭。寄諭閩浙總督李芝昌等。據裕泰奏。遵查福建淡水同知史密被叅各情。已將該員開缺。撤回省城察看矣。據稱該員性近剛愎。遇事喜功。於海外各缺。人地不宜等語。著該督等於到任後。隨時留心察看。並密查該員有無別項劣蹟。據實具奏。將

此諭令知之。○以正白旗滿洲副都統德興。署吏部左侍郎。○以兵部左侍郎恩華。署京營左翼總兵。鑲藍旗漢軍副都統哲爾經額。署正白旗護軍統領。○戊寅。

上詣

壽康宮。問

皇貴太妃安。○遣官祭

火神廟。○己卯。諭內閣。明訓等奏。遵查

永陵樹株被伐情形。請將管山防禦等解任。吏員革去頂帶。嚴訊一摺。

永陵管山防禦花什布。慶謙。稽查樹株。是其專責。現在查明偷

寶錄卷三十六  
欷甚多。是否知情故縱。必應徹底根究。花什布。慶謙。均著先行解任。交明訓等。提同案內人證。嚴行審訊。吏員郭茂林。有無藉端挾制訛索等情。著即革去頂帶。一併質訊。又另片奏。現在樹密草深。未能徧查。請俟霜降後。樹植顯露。由奕興再往敬謹履勘等語。著照所擬辦理。其奕興自請議處之處。著俟定案後再降諭旨。○諭軍機大臣等。前因河南南陽府捻匪橫行。當經降旨。令陸建瀛等於交界處所。合力堵拏矣。茲據王植奏。壽州匪犯程六麻孜等。結捻橫行。訛搶鄉民。經地方官督率勇役查拏。膽敢拒捕脫逃。復據懷遠縣詳報。程六麻孜糾眾搶劫。燒毀張學清等家房屋。並合肥縣匪犯高四

八孜。亦有搶劫傷人之案等語。現在壽春鎮兵。分調廣西。該匪等乘隙滋擾。若不及早翦除。必至養癰貽患。著陸建瀛。將文慶體察情形。及早籌辦。勿令漏網。僅所委文武各員查辦不力。即著指名嚴叅。毋稍姑息。再前據賽尚阿奏。調派安徽兵一千名。前赴廣西。沿途不甚安靜。且聞兵亦輒弱。可見平日訓練紀律。並不認真。著該督撫等。嚴飭鎮將。實力整頓。新任壽春鎮總兵德勝。其性情才力。是否堪膺重鎮。並著陸建瀛。將文慶隨時察看。據實具奏。將此各諭令知之。○安徽巡撫蔣文慶奏。謝恩請覲。並查拏捻匪程六麻孜得旨。認真查拏。毋稍諱飾。不必來京請訓。○豁免福建廈門。龍溪。南靖。古

田。永福。邵武。連城。福安。龍巖。九廳州縣。民欠銀穀。○豁免直隸。滄。靜。海。青。南。皮。鹽。山。慶。雲。天。津。寶。坻。八。州。縣。及。豐。財。蘆。臺。嚴。鎮。三。場。竈。丁。積。欠。額。課。○庚。辰。上。詣。

壽康宮問

皇貴太妃安。○諭軍機大臣等。步軍統領衙門奏。江西南豐縣者民聯名控案。已明降諭旨。交王植馳驛前往審辦矣。此案南豐縣者民謝恆周等。聯名五十餘人。遣抱告呈控紳棍鄒希孟等。包漕需索。糾眾徇官。並生員魯宗顯等。繳還衣頂。意圖挾制。前曾赴都察院控訴。咨回本省。將抱告夏富希。押縣

一年有餘。不為究辦。及巡撫臬司偏袒各款。案關糾眾包漕。牽涉大吏。虛實亟應徹底根究。是否該知縣辦理不善。撫臬大吏。有無袒護實據。紳棍如何侵漁。控詞有無捏飾。著王植秉公查辦。悉心研究。以期水落石出。毋稍含混。原摺呈均著鈔給閱看。將此諭令知之。○兩江總督陸建瀛等奏。遵覆民人馬咸齡。請復混江龍及石壘等法。窒礙難行。應毋庸議。報可。○以戶部左侍郎舒興阿。署教習庶吉士。○辛巳。諭內閣。琦善奏。番賊復出搶掠一摺。另片奏。永昌縣追捕賊匪情形等語。據稱西甯鎮總兵薩炳阿稟報。哈拉庫圖爾。有番賊一百餘人。騎馬持械。盤踞下破口地方。當經該鎮挑派弁兵。馳

往堵捕。又南川王溝爾等莊。有番賊搶掠牲畜。該鎮等派令署守備汪永楨等追捕。斃賊十餘名。復經該鎮帶兵督捕。餘賊始行逃竄。署守備趙國棟。被傷陣亡。兵丁亦有傷亡。其撒口冰溝地方。搶掠牲畜賊匪。經永昌縣知縣郭雲青會營追捕。殺斃騎馬賊三名。奪回被搶羸馬。並奪獲賊馬三匹。及烏槍刀矛帳房鉛彈多件。兵勇均未受傷。該處番賊。甫經勦辦。又復四出搶掠。甚至拒捕傷及官兵。實屬目無法紀。著薩迎阿。嚴飭鎮將。跟蹤勦捕。不得以賊匪遠颺。稍疏防範。如有託故遷延。不肯實力查拏者。即著嚴參懲辦。署守備趙國棟。交部照例賜卹。○又諭。前據兵部奏。甘肅把總趙勝。經總兵派

委探賊被戕。該督未將總兵以下各官查參等情。當降旨。交琦善確查覆奏。茲據查明。該弁趙勝。躡探賊蹤。實因輕率追捕。以致遇賊被戕。該鎮薩炳阿。於派委查探之時。既未詳慎指示。及該弁兵被戕之後。又不立即躡捕。署永安營遊擊朱成貴。署察漢俄博營都司張順。於界連地方。潛匿賊匪。漫無覺察。迨經失事。並不趕往截緝。均難辭咎。薩炳阿。朱成貴。張順。著一併交部分別議處。其被戕官兵。著該部照例覈辦。○諭軍機大臣等。據琦善奏。撒拉回子。復聚眾於卡爾岡莊。前往昂思多黑城子。拉曲山等處。稱欲修蓋供拜。搬取黑城工所甄瓦。折燒工用物件。打毀木架禁條等語。上年琦善帶兵

寶錄卷三十六  
勤捕時。各莊撤回。恭順投誠。交出賊匪。何以故。智復萌。於原  
爭修建地方。輒敢攘取工物。妄圖修蓋。殊屬反覆無常。著薩  
迎阿。迅飭該鎮將。將該撤回頭人。設法查拏懲辦。一面將各  
莊良回。妥為開導。毋令藉端滋擾。原片鈔給閱看。將此諭令  
知之。○壬午。諭內閣。安徽鳳陽府。為衝繁疲難最要之缺。且  
時有緝捕重案。新任知府牛鎮。前於召見時。察其才具。恐尚  
未能勝任。著撤回。安徽省城。交蔣文慶。留心察看。遇有相當  
知府缺出。酌量奏補。○又諭。陸建瀛。楊文定。奏遵旨查訊職  
官販賣煙土。請革職審辦一摺。江蘇候補通判袁雲。既供曾  
經吸食鴉片。其販賣煙土重情。訊未承招。難保非飾詞避就。

著即革職。交該督撫。提同案內應訊人證。嚴切根究。務得確  
情。按律定擬具奏。尋奏。審明吸食鴉片。並販賣煙土屬實。請  
發往軍臺效力贖罪。下部議。從之。○又諭。陸建瀛。楊以增。奏  
驗收西隄工程。請將承修不力之工員。革職賠修一摺。江南  
江揚兩廳西隄工程。據該督等先後親往勘驗。江運廳境各  
工。間有碎石單薄。土工亦不堅實之處。所有承辦各工之候  
補州同龔之格。李賡堯。候補縣丞裘輔。王其瀚。候補州判倪  
輓。候補通判胡志章。宿遷北岸主簿倪楫。高埏經制效用荀  
繼順。候補知縣胡克文。郭世昌。候補縣丞邢寶第。林渭。候補  
未入流夏渭。俞元相。候補協防萬立鈞。著一併革職。責令趕

緊賠修工竣覈實驗收。儻再有草率偷減等弊。即著嚴叅懲辦。此項工程。前經奏明攤徵歸款。著免其造冊報銷。○又諭楊殿邦奏。請將押運幫弁。分別革職。摘去頂帶一摺。江蘇鎮江後幫領運千總張謙六。於漕船水手滋事重案。事前既不嚴行約束。事後又不能趕緊緝拏。任聽逸犯遠颺。實屬庸懦不職。張謙六著即革職。仍責令押運北上。俟抵通交卸糧米無虧。再令離任。隨幫空運千總楊光藻。未能協同約束。亦屬玩忽。著即摘去頂帶。其未獲各犯。仍著嚴緝務獲。歸案審辦。○兩江總督陸建瀛等。奏報節年辦理洋務情形。得旨。從實辦理。不可徒作空談。○以修築江南運河西隄出力。予候

補通判黃程直等。升敘有差。○癸未諭內閣。慶祺。朱嶠奏。漕糧到橋。潮溼發塊。又抽查漕糧。御史富興阿。范承典奏。查出南糧溼米過多。各一摺。並據該御史。將米樣包封呈覽。近來經紀人等。起運漕糧。往往攪和水土。任意舞弊。節經降旨嚴查懲辦。乃積習相沿。牢不可破。實堪痛恨。茲據奏稱。揚州二幫糧米到橋。先經坐糧廳呈驗米樣。均屬乾潔。何以到橋之後。攪和舞弊。現在南糧接續抵通。若不嚴行查辦。京倉正供。竟耗於積蠹之手。尚復成何政體。所有承起揚州二幫之經紀。著交刑部嚴訊究辦。毋稍寬縱。至石壩州判吳元忭。於

上載時。並不實力稽查。難保無知情故縱情事。著聽候刑部傳質。其坐糧廳查驗是否認真。有無蒙混之處。並著倉場侍郎查明具奏。○甲申。

上詣

壽康宮問

皇貴太妃安。○諭內閣。楊殿邦奏。請將押運通判交部議處等語。江蘇鎮江後幫押運鎮江府糧捕通判李鴻。有約束水手之責。乃事前毫無禁約。致令聚眾滋事。咎實難辭。李鴻著交部議處。○諭軍機大臣等。載銓等奏。拏獲販運小錢人犯馬得河。即馬大。訊據供稱。係河間府阜城縣人。本年四月間至

京北沙河。見該處使用小錢。隨向素識之東光縣人侯太。買得小錢。欲運至沙河售賣。並供侯大。在東光縣小陳莊居住。每逢三。八日。在大陳莊售賣小錢等情。販運小錢。久干例禁。今該民人馬得河。即馬大。膽敢向侯大買得小錢。圖售實屬藐法。現將馬得河。即馬大。交部審辦。其侯大一犯。著訥爾經額。迅委委員拏獲解部。東光縣大小陳莊等處。如有私局鑄賣小錢。即行查拏嚴究。至沙河地方。使用小錢。究由何處販運前來。著卓秉恬。王慶雲。派員確訪嚴拏。儻查有私鑄販賣等弊。立即從嚴懲辦。毋稍寬縱。原摺著鈔給閱看。將此各諭令知之。○漕運總督楊殿邦奏。糧船水手。强悍性成。動輒逞

兌滋事。現在全漕尾幫過竣。自淮抵通。道路綿長。飭糧道幫  
弁等。隨時嚴查究辦。得旨。事後徒託空言。夫復奚益。辦理尚  
不為無見也。○改鑄直隸隆平縣知縣印信。從總督訥爾經  
額請也。

大清文宗協天翊運執中垂謨懋德振武聖孝淵恭端仁寬敏  
顯皇帝實錄卷之三十六

西

